

Kroz kratko će vrijeme svaki sirar moći steći vlastito iskustvo u ovom načinu sirenja, koje će mu pokazati, kako da najbolje postupa. Praksa je pokazala da je gornji način sirenja telećim želucom vrlo dobar i poboljšava kvalitet sireva, u što će se moći i sam sirar uvjeriti, ako pažljivo postupa pri sirenju i daljnjoj proizvodnji.

Ferdebar M.

NEŠTO IZ INOZEMSTVA.

U buduće namjeravamo davati u ovoj rubrici prikaze o prilikama mljekarstva u državama gdje je ova grana privrede bolje razvijena, kako bismo se mogli koristiti iskustvima drugih i da bi saznali kako drugi gledaju na probleme koji nas isto interesiraju.

Do sada smo mogli doći samo do engleskih stručnih listova, pa ćemo donjeti neke isječke iz prilika u toj zemlji. Čim dodjemo do stručnih listova ili podataka iz drugih zemalja proširićemo prikazivanje prilika i upoznavanje sa problemima i iz tih zemalja.

U Engleskoj za proizvađača predstavlja jedan od najvažnijih problema odnos vrijednosti potrošene stočne hrane i vrijednosti proizvedenog mlijeka. Na jednoj pokusnoj farmi došli su do zaključka da trava, proizvedena na intenzivan način specijalnim gnojenjem zemljišta, predstavlja najjeftiniju odnosno najrentabilniju hranu za krave muzare. Krave hranjene isključivo samo travom daju u prosjeku 13 l mlijeka dnevno, a neke čak i 27 l.

Engleska polaže veliku važnost na proizvodnju mlijeka i daje farmerima pomoć pri snalažanju troškova skupčanih sa nabavom kvalitetne stoke, pri osnivanju i moderniziranju uređaja potrebnih za osnovnu manipulaciju mlijeka, t.j. za mužnju, cijeđenje, hladjenje i čuvanje.

Jedan švedski stručnjak koji je nedavno bio u posjeti tamo i pregledavao farme sa intenzivnom proizvodnjom mlijeka, kritizira ovaj sistem pomoći i tvrdi da je isti u osnovi pogrešan. Po njegovom mišljenju ovakovo davanje pomoći i samo kontroliranje da li je iz te pomoći pojedini proizvađač doista nabavio traženi uređaj, da li ga je instalirao itd., ne vodi u dovoljnoj mjeri povećavanju niti količine niti kvalitete mlijeka. Mnogo bi bolje bilo, kako je izjavio ovaj švedski stručnjak, da se subvencije zamijene sa striktnim sprovođenjem plaćanja po kvaliteti mlijeka. Razlika između vrijednosti mlijeka od 3% i 4,5% masnoće je tako velika, da bi isplaćivanjem protuvrijednosti ove razlike dovoljno bilo samo po sebi da daje puno potetrika proizvađačima, da selekcijom stoke i boljom ishranom povećavaju ne samo količinu već i procenat masnoće proizvedenog mlijeka.

Dr. J. Jordanić